



ABANDOKO
SAN BIZENTE MARTIRIAREN
PARROKIA

PARROQUIA
DE SAN VICENTE MÁRTIR
DE ABANDO

Done Bikendi plaza 3. 48001 Bilbao (Bizkaia)
T. 94 423 12 96
parroquia@sanvicentemartirdeabando.org

EBANJELIOA: BEHAR DUGUN BERRIA

“Desegizue tenplu hau eta hiru egunetan berreraikiko dut”

2021eko martxoaren 7a
Garizumako 3. igandea (B)

Joan 2, 13-25

Hurbil zen juduen Pazko Jaia, eta Jerusalemera joan zen Jesus. Tenpluan merkatariak aurkitu zituen idi, ardi eta usoak saltzen, eta diru-trukalariak ere bai, han eserita. Jesusek, lokarriz zartailu bat eginez, tenplutik kanpora bota zituen denak, bai eta ardiak eta idiak ere; eta trukalarien diruak sakabanatu eta mahaiak irauli egin zituen. Uso-saltzaileei esan zien: “Kendu hemendik hau guztia. Ez egin nire Aitaren etxea merkatu-etxe”.

Ikasleei, Liburu Santuak dioena etorri zitzaien gogora: *Zure tenpluaren maitemina erreko nau.*

Orduan, galdetu zioten judu-agintariak: -Zer seinale ematen diguzu hori egiteko aginpidea duzula frogatzeko?

Jesusek erantzun zien: -Desegizue tenplu hau eta hiru egunetan berreraikiko dut.

Juduek ihardetsi zioten: -Berrogeita sei urte behar izan dira tenplu hau eraikitzeke, eta zuk hiru egunetan berreraikiko duzula?

Hura, ordea, bere gorputzaren tenpluaz ari zen. Horregatik, hilen artetik piztu zenean, esandako hori gogoratu zitzaizen haren ikasleei, eta sinetsi egin zuten Liburu Santuko eta Jesusek esandako hitza.

Pazko Jaian Jesus Jerusalemen zegoela, askok sinetsi zuten harengan, egiten zituen mirarizko seinaleak ikusirik. Baina, Jesus bera ez zen fidatzen haietaz, guztiak ezagutzen baitzituen, eta ez zuen inoren aitorten-beharrik, ongi ezagutzen baitzuen berak gizakiaren baitan dagoena.

Jesusek gaurko ebanjelioan erakutsiko deusku elizea otoitz-etxea dala, Jaungoikoagaz alkartzeko lekua.
Eta ez Aregaz sal-erosketan ibilteko tokia.

TENPLU BERRIA

Jose Antonio Pagola

Lau ebanjelariak dakarte Jesusen keinu probokatzaile hau: «*animalia-saltzaileak*» eta «*diru-trukatzaileak*» tenplutik botatzearen keinua. Ezin du jasan bere Aitaren etxea kultutik bizi den jendez betea. Jainkoa ezin eresia da «*opari*» bidez.

Joanek, ordea, lau ebanjelarietarik azkenak, Jesusen eta juduen arteko elkarrizketa dakar, zeinetan Jesusek era handiosean baieztatzen baitu, tenplua suntsitua izango delarik, «*hiru egunetan eraikiko duela berak*». Inork ez du ulertu zen esan nahi duen. Horregatik gehitu du ebanjelariak: «*Bere gorputzaren tenpluaz mintzo da Jesus*».

Har dezagun kontuan, ezen Jerusalemgoko tenpluak hogeita hamar urte lurtean harri-pila eginik zeramanean ari dela idazten Joan ebanjelaria. Judu askok umezurtz dakusate beren burua. Tenplua zuten beren erlijioaren bihotza. Nola bizi Jainkoa beren herrian izan gabe?, pentsatzen zuten.

Ebanjelariak jabearazi nahi die Jesusen jarraitzaileei, ezen berek ez dutela bizi behar antzinako tenplu haren nostalgiarik. Jesus da «*tenplu berria*», agintari erlijiosoek jo zuten, baina Aitak «piztu» zuen Jesus hura. Ez da metafora ausart bat. Kristauek Jainkoarekin betiko izan behar duten harremana markatzen du horrek.

Jainkoa bizi den tenplu berrizat Jesus hartzen dutenentzat, desberdina da dena. Jainkoarekin topo egiteko, ez da aski tenplura joatea. Premiazkoa da Jesusengana hurbiltzea, haren egitasmoan murgiltzea, haren urratsei jarraitzea, haren espirituaren arabera biziitzea.

Jesus den tenplu berri honetan, Jainkoa adoratzeko, ez da aski intsentsua, ez dira aski gorapenak, ez dira aski liturgia handiosak. Hauek dira benetako adoratzaileak: Jainkoaren aurrean «*espirituz eta egiaz bizi direnak*». Honetan datza zinezko adorazioa: Jesusen «*Espirituz*» Ebanjelioaren «*Egia*» bizitzean. Hori gabe, «*adorazio hutsala*» dateke kultura.

Jesus den tenplu berri honetako ateak zabalik dira gizon-emakume guztientzat. Inor ez da bazter utzia. Hor sar daitezke bekatariak, kutsatuak eta, are, paganoak. Guztiena da eta guztientzat da Jesusen baitan bizi den Jainkoa. Tenplu honetan ez da inolako bereizketarik. Ez da eremu banatzailerik gizona gizona eta emakume emakumeentzat. Kristogan «*ez da jadanik gizona gizona eta emakume emakume*». Ez da arraza aukeraturik, ez herri bazter utzirik. Maitasun- eta bizi-premian direnak: horiek dira lehenetsi bakarrak. Jakina, beharrezkoak ditugu tenpluak Jesus Jaun bezala adoratzeko, baina Jesus bera dugu zinezko tenplua.